

# MME ETOP EMI ENỌDE ESỌK MME UFỌK ABASI

Eriyarare 2:1-29; 3:1-22

ỌYỌHỌ UKPEP-ŃKPỌ 460

Eke Mkpawara

**IKỌ IBUOT:** “Sese, ndada ke usuñ ntuak, edieke owo okopde uyo Mi onyuñ osiode usuñ, nyeduk ntiene enye” (Eriyarare 3:20).

## Ke Ufọt Mme Udiok-Utuenikañ

Ke ini Christ ọkọnọde John Eriyarare emi ke Isuo Patmos, Enye ama ayarade etop edọnde enọ mme ufọk Abasi itiaba. Ekenọ etop kiet kiet esọk “angel ufọk Abasi.” Edi akpanikọ ete mmọ ekedi mme enyene odudu, mme mmọ emi ekeseke ńkpọ ebaña ufọk Abasi. John ama okut Christ ye ntantafion itiaba ke ubọk nnasia Esie nte asañade ke ufọt udiok-utuenikañ itiaba, oro edi, mme ufọk Abasi. Mmọ edu ke ubọk Christ enyuñ enyene ndinam nte Enye oyomde mmọ enam. Mme angel, ńko, akana emen etop emi esọk ufọk Abasi kiet kiet. Man ekeme ndinyene ufọk Abasi spirit, mmọ emi edude ke esit, enyene ndidu edisana uwem. Paul ke ini ọnọde ńwede esọk mbon Corinth, ama etiñ ete, “Mme imọ idi temple Abasi, . . . Koro temple Abasi edide ibet, mbufo enyuñ edi temple oro” (1 ńwede Corinth 3:16, 17).

Nte ikpepde ibaña mme etop emi, yak ikut nte mmọ ekemede ndiñwam nnyin, ikunyuñ ikpep mmọ nte mme ńwede mbuk ekenọde esọk mme ufọk Abasi ke eyo oko. Ndusuk owo esikpep mme etop emi nte ńkpọ emi akadade ọnọ mme ini ufọk Abasi ke eset, edi eyak nnyin ise utọ etop emi mmọ enyenede enọ nnyin mfin. Ke ini Christ esede nnyin owo kiet-kiet ke ufọk Abasi mfin, nso ke Enye okut? Edieke Christ esede uwem fo, nso ke Enye etiñ ye afo?

## Mme Utom Fo

ńwede kiet-kiet eti nnyin nte ke Christ ọfiok “mme utom fo.” Emi edi mme edinam ke ufọk Abasi emi afo etienede abuana. Emi ekeme ndidi editim ńkpeme ndiduk ke Sunday School ye ndimum nsin ke ibuot, mme itie ke Ikọ Abasi. “Mme utom fo” ekeme ndidi ńko mme edinam fo ke ini muduhe ke ufọk Abasi, nte ndiñwam mmọ efen, ndinọ mmọ eke ebunede ńkpọ, nyuñ mfọn ido ye mmọ emi ekande fi ekuk. Ndusuk owo ema nditi Abasi ye owo se mmọ enamde enọ ufọk Abasi ye se enamde enọ Ọbọñ. Etiñ enọ nnyin ebaña owo Pharisee ete, “ọbọñ akam ye idem esie” nte enye akade iso nditiñ kpukpru nti ńkpọ enye akanamde. Edi enye ikafiakke inyọn ufọk ye utebe-ikpe, nte owo publican emi ọkọbọnde akam ete, “Abasi, tua mi, idiok owo, mbọm” (Luke 18:11-14).

## Enyaña Ke Mfọn

Abasi oyom ndikut nti utom nto ikot Esie. Ke ukpep-ńkpọ Enyọn Obot Jesus ama ekpep ete, “Yak uñwana mbufo ayama ke iso owo, man mmọ ekut nti utom mbufo, enyuñ etoro Ete mbufo emi odude ke heaven” (Matthew 5:16). Ke se Paul ewetde, nnyin imokot nte Paul ọbọnde akam ọnọ ufọk Abasi man mme owo “esaña ke ido nte odotde Ọbọñ, enem Enye esit ke kpukpru usuñ, enyuñ eñwum mfri ke erinam kpukpru nti utom” (ńwede Mbon Colossae 1:10). Paul ama ewet ọnọ Titus ete, “Ke kpukpru usuñ kama idem fo ke iso mmọ nte uwut-ńkpọ eti utom” (Titus 2:7); onyuñ ewet ọnọ mme Hebrew ete, “eyak nnyin inyuñ ikere nte ikpedemerere kiet eken inọ ima ye nti utom” (Mme Hebrew 10:24).

Ke ntre nnyin imọfiok ite Ọbọñ oyom nti utom oto nditọ esie, edi nti utom oro ekeme ndidu ke ema ekenyaña ukpọn. Inyana ke owo ito ke nti utom esie. Paul ama ekpep ete, “Itoho ke ńkpọ eke nnyin inamde ke edinen ido, edi oto ke mbọm Esie ke Enye akanyaña nnyin” (Titus 3:5). Ke ńwede mbon Ephesus 2:8, 9, nnyin ikot, “Koro ke mfọn ke ema enyaña mbufo oto ke mbuotidem: erinyaña emi inyuñ itoho mbufo; edi Abasi ọnọnọ: itoho se mbufo enamde, mbak owo baba kiet edibure mbure.”

## Akpa Ima

Ufọk Abasi ke Ephesus ama anam nte ọfọnde, enam utom enyuñ enyene ime, edi ńkpọ ama odu ndida mbiom enye: enye ama ọduok akpa ima. Mme owo do ikenyeneke ima Abasi aba nte mmọ ekenyenede ke ini ekebemde iso enyaña mmọ. Afo emeti nte okotimde ama Abasi ke ini ekenyañade fi? Emeti nte afo

akamade kpukpru mbon Abasi? Akpana nte nnyin iduñore uwem nnyin man ikut ite ke nnyin ke isuk inyene ọkpọsọñ ima inọ Abasi, utom Esie, ye ikọt Esie. Etiñ enọ nnyin ebaña ukperedem ini ete, “Sia mme ukwañ-ido editọtde, ima ediwak owo eyesuhọ” (Matthew 24:12).

Idighe nditiñ ikpọñ nno mme owo se mikọfonke, ikpọñ edi ema enyuñ etiñ enọ mmọ ñko se ekpenamde, “Kabare esit, nyuñ nam se akanamde ke akpa.” Se nte Abasi anamde akpanikọ ye kpukpru owo! Enye etiñ abaña nti utom emi mmọ ekenamde, ndien Enye etiñ abaña ndudue mmọ ye se mmọ ekpenamde ndinam idaha mmọ ke Spirit ọfon.

### **Ekabare Esit**

Ufọk Abasi ke Pergamos ama enyene ebuana ye mmọ eken ke ererimbot emi ekenyenede mme nsu-nsu ido unam ñkpọ, utu ke mmọ ndisaña ke ibet Abasi. Enyiñ emi “Pergamos” ọwọrọ ndọ, oro edi ufọk Abasi emi adiande idem ye ererimbot. Obọñ inemke esit ke edinam ntem, ndien ama etiñ ọnọ mmọ ete, “ekabare esit.” Abasi ọnọ ikọt Esie ntọt ete ekpeme mme owo emi mmọ enamde ufan. Owo ekeme ndinyene eti udọñ ndida owo oro nno Abasi. Edi se iwakde ndikut edi nte esitapde owo oro ekpọñ usuñ, edieke enye amade ndisaña ye mme anam idiok-ñkpọ. Ewet Psalm ama etiñ ete, “Ami ndi nsaña kpukpru mmọ eke ebakde fi, ye eke mmọ emi enimde item fo” (Psalm 119:63). Oro edi eti ibet ndisaña ke esit.

Ufọk-Abasi ke Thyatira ama onyime mmọ emi ekenamde ido ukpono-ndem, edikpono Abasi ye mmọ. Ekeme ndidi ediwak ikasañake ke nsu-nsu edikpep emi, edi ndusuk mmọ ema eduọ eduk ndiọi edinam emi. Ema enyuñ etiñ ye mmọ ñko ete ekabare esit, enyuñ etiñ ikọ ndighe mkpa ye mmọ edieke mmọ mikabakere esit. Abasi ọkọdọhọ ete, “Ami ndi Andiduñore ekput ye esit; nyenyuñ nno kpukpru mbufo kiet kiet nte ekemde ye utom mbufo.” Ekeme ndidi afo omokop nte mme owo edomode ndinọ mfaña ke abaña mme idiok utom mmọ, ke ndidọhọ ete ke mmimọ imekeme ndinam idiok edieke owo efen anamde. Edi mi nnyin imokut ite nnyin owo kiet-kiet inyene ndinam ibat nno Abasi. Ke Mme Ñke 20:11, nnyin ikot: “Eyediọñọ idem eyenọwọñ ke ido esie, mme se enye anamde asana, mme onyuñ enen.”

### **Tutu Enye Edi**

Obọñ ama etiñ abaña eridi Esie ọnọ mme akpatre Ufọk-Abasi ition, Enye ama etiñ ete, “Esọñọ emum se mbufo enyenede ekama tutu ndi.” Enye ọnọ etọp esọk Ufọk-Abasi ke Sardis ete ekpeme enyuñ eti mme ñkpọ oro enye okokopde. Abasi ikekwe baba utom esie kiet, “ọwọrọde usuñ ke iso Abasi.” Ufọk Abasi oro ama eyene eti enyiñ ke iso owo, edi Abasi emi esede esit owo, ama etiñ ete ke enye ama “akpa.” Ndusuk mbon Ufọk Abasi oro ikasabakere idem mmọ ke mme ñkpọ ererimbot, edi ema edọhọ mmọ eken ekabare esit.

### **Ndebe**

Ufọk-Abasi ke Laodicea ekedi, “ubitke unyuñ ufiopke,” mmọ ema enyene inyene ererimbot emi, enyuñ ekere ete ke iyomke efen. Mmọ ema enyene ñkpọ uwem emi, edi etim ebuene ke ñkpọ Spirit tutu mmọ ikemeke ndifiok unana mmọ. Etie ye ndusuk owo didie nte emem ndiyom ndibon ediwak inyene mi! Jesus ama etiñ ete, “Ebon ñkpọ-uto enim enọ idem ke heaven, . . . koro ọtọ nte ñkpọ-uto fo odude, do ke esit fo edinyuñ odu.” (Matthew 6:20, 21).

### **Ñkpọ-uto Ke Heaven**

Akparawa owo inyene ama obup Jesus se enyenede ndinam man enye enyene nsinsi uwem. Ke ñkañ esie Jesus ọkọdọhọ enye anyam inyene esie, ọnọ mme ubuene, onyuñ edisaña ye Imọ. Edi enye ama ọnyọñ ye mfuhọ koro enye ama enyene ediwak inyene emi enye akamade akan inyene ke Heaven. Jesus ama ọdọhọ mbet Esie ete, “Ke akpanikọ ke ndọhọ mbufo, ọsọñ owo inyene ndiduk ke Obio Uboñ Heaven” (Matthew 19:23). Ke ini ekebupde Enye mme anie edikeme ndibọhọ, Jesus ama ọdọhọ ete, “Emi edi se owo mikemeke ndinam; edi Abasi emekeme ndinam kpukpru ñkpọ” (Matthew 19:26).

Ke otu Ufọk-Abasi itiaba, iba kpọt ke Christ mikekwe ndudue: Smyrna ye Philadelphia, Ufọk-Abasi ke Smyrna ama ọsuhọre idem onyuñ edi ubuene ke se ibañade ñkpọ uwem emi. Christ ama etiñ ete, “Edi emenyene inyene,” emi edi inyene ke spirit. Ufọk-Abasi emi ama okut ukut ye ukọbọ. Jesus ama ọsọñọ mmọ idem ke ndidọhọ ete: “Kunyene ndik ubaña ukut eke ọmọñ edisim fi . . . wut idem nte anam-akpanikọ tutu osim mkpa, ndien nyenọ fi anyanya uwem.” Ndinam akpanikọ tutu osim mkpa! Edieke owo odoride enyin ndidu ke Heaven ye Jesus, enye ana nte enyene mkpe-mbiere emi, ndidi anam-akpanikọ tutu mkpa.

Udori iduhe ndidi anam-akpanikọ ke ndusuk ini, ndien okpu Abasi ke ndusuk ini. Ke Mark 13:13, nnyin ikot, “Eyenyaña owo eke edimede ime tutu osim akpatre.”

### **Ukpeme Ke Ini Idomo**

Ufọk-Abasi ke Philadelphia ama enyene nsuk-ibuot, onyuñ anam “Ikọ Abasi.” Ema enọ enye utibe eñwọñọ ete ke Abasi eyemum mmọ akama “ke ini idomo, emi ọmọñ edisim ofuri ererimbot.” Enam nnyin idiọñọ ete ke kpukpru owo eyekut idomo. Idighe idiọk-ñkpọ owo ndikut idomo. Idiọk-ñkpọ oduk edi ke ini nnyin iduode ke idomo. Ema edomo Jesus ke Idemesie, edi Enye ikosukke ibuot inọ Satan. Jesus ama osio ikọ ke Ñwed Abasi nte ñkpọ-ekọñ ndida ññwana ye asua ke idomo. Abasi ọñwọñọ uñwam ọñọ kpukpru Nditọ Abasi ke ini idomo. “Idomo ikosimke mbufo ibọhọke se inade owo ndibiom; edi Abasi edi akpanikọ idinyuñ iyakke edomo mbufo ebe se ukeme mbufo edide, edi Enye eyesiak usuñ ubọhọ ọñọ mbufo ke ufọt idomo, man mbufo ekeme ndibiom enye” (1 Ñwed Corinth 10:13).

### **Eti Ifet**

Abasi ama etiñ ye Ufọk-Abasi ke Philadelphia ete, “Ñkonim fi ana-iñwañ usuñ ke iso, emi baba owo kiet mikemeke ndiberi.” Emi ọkọwọrọ ete ke ifet ama odu ọñọ mmọ ndinam ñkpọ nnọ Abasi man enyuñ ekọ ukpọñ enọ Enye. Nnyin ke mfin emi imenyene mme ifet ekande nnyin ekuk, ndien Abasi odori enyin ete nnyin ikut, inyuñ ida mmọ inam ñkpọ. Ke John 4:35 nnyin ikot, “Emenere enyin ese iñwañ ete ñkpọ adat ke esit ama, ekem ini ukpeñe.”

### **Mme Andikan**

Ema enọ Ufọk-Abasi kiet-kiet eñwọñọ. Mme eñwọñọ emi ekenyene mme andikan. Erikan ọwọrọ ndinyene erikan ke idiọk-ñkpọ, ndikoñ ñkan idomo. Ke ini owo Abasi etrede ndinyene erikan, ke ini enye ọduode ke idomọ Satan, enye idighe aba eyen Abasi. Owo kiet-kiet ekeme ndibọ mme utibe eñwọñọ emi nda, koro Abasi eyeñwam enye ndidi andikan. Jesus ama etiñ ete, “Esọñ esit; Ami ñkakan ererimbot” (John 16:33).

Etop kiet-kiet esuñọ ye ntọt ete yak nnyin ikop se etiñde enọ mme ufọk-Abasi. Edieke nnyin iyomde ndikop nnyuñ nnam Ikọ Abasi, eyak nnyin ida mme etop emi idomo uwem nnyin.

### **MME MBUME**

- 1 Anie ke John okokut nte asañade ke ufọt mme udiọk-utuenikañ?
- 2 Mme udiọk-utuenikañ ekeda enọ nso?
- 3 Nso edi ntak emi owo mikemeke ndinyene erinyaña ukpọñ nto ke erinam nti utom?
- 4 Ọwọrọ nso owo edikpọñ “akpa ima”?
- 5 Didie ke owo akabare esit?
- 6 Nso edi ntak owo akpakabarede esit?
- 7 Didie ke owo obon “inyene ke heaven”?
- 8 Ndikan, ọwọrọ didie?
- 9 Siak mme ñkpọ emi eñwọñọde enọ mmọ eke ekande.
- 10 Nso edi ntak emi nnyin ikpekpepe ibaña mme etop enọde esọk mme ufọk-Abasi itiaba emi?